

զայն Խորհուրդ : Եւ եւս 'ի համարձակիլ ոմանց , գանկատէր զնոցանէ իբրեւ զանիրաւէ , որպէս փոխանորդն Երուսաղէմի Պօղոս վարդապետ ասէր՝ թէ չեն իրաւունք նշատելով պատարագելն . այլ նա ասէր միթէ ոչ գիտեմ ըզկանոնս : Սակայն ընդ տկարութեան մարմնոյն՝ տկարացեալ էր և Պատրիարքական իշխանութիւնն , և չէր ոք որ երկնչէր 'ի նմանէ . թէպէտեւ զայս ամենայն հասուցանէին յունկն նորա , բայց նա անհոգացեալ ասէր . զի՞ փոյթ է այլոց զկառավարութենէ իմմէ , միթէ չունի՞մ իշխանութիւն առնել զոր կամիմս : Իսկ 'ի գործս զյայտնին միայն հարցանէր զլիսաւորաց ազգին , և զգաղտնիսն ինքն միայն 'ի ծածուկ կատարէր , եւ 'ի հրապարակին չգիտեւ ձեւանայր . նմին իրի բազումք ցրտացեալ էին 'ի սիրոյ նորա , և գործք Պատրիարքութեան անյաջող յամենայն տեղիս , և տաղտկացեալ զլիսաւորք ազգին :

Եւ 'ի ժամանակիս յայսմիկ Փոխանորդն Երուսաղէմի կամէր տալ զհաշիւն իւր ազգին՝ զի բազումք բամբասանին զնա թէ զարդիւնս Երուսաղէմի ետ յափշտակել Ամիրայից , մանաւանդ թէ ծախեաց զայն փոխան պարտուց Ազնաւորեան Քեահեայ Կարապետ Ամիրայի , և այնպէս բամբասանէին զմեծ բարերարն Երուսաղէմի զայրն բարեպաշտ :

Սակայն գործ Երուսաղէմի չեւ էր աւարտեալ , որոյ վառն մնայր հաշիւն : Իսկ 'ի սաստկանալ բամբասանաց , ստիպեաց զԱմիրայս Պօղոս՝ եւ առաջի եդ նոցա զՏումար հաշւոց եւ նոքա խոստացան տեսանել զայն բազմութեամբ ('ի 1 Սեպտեմբերի) : Եւ 'ի նմին աւուր եկին ըստ խոստմանց իւրեանց , ընդ որս էին և զլիսաւորք արհեստաւորաց . տեսեալ Պատրիարքին եւ Փոխանորդի նորին զժողովիւն այնքան խուռն բազմութեան՝ զարմանային , զի ոչ գիտէին ինչ : Ոմանք 'ի զլիսաւորաց առեալ զՊատրիարքն մուծին 'ի փոքր սենեակն և ստիպէին զնա զրել զհրաժարական իւր , և նորա ոչ մատուցեալ ունկն բանից նոցա , զպատճառն հարցանէր , և նոքա ստիպէին կամ հրաժարիլ և կամ տալ պատասխանի . զի գնացեալ 'ի Դուռն կատարեսցեն զոր կամէին . տեսեալ նորա թէ ոչ կարէ կալ ընդդէմ նոցա՝ յանձն առ կատարել զկամս ազգին , եւ խնդրեաց 'ի նոցանէ չփտարել զինքն յաքսոր և չթողուլ